

羅山縣志卷之三

建置

城池

公署

官廳

街市

坊垠

壇壝

橋梁

武備

惠卹

志曰天地無爲者也人有爲者也自大有爲者出而無爲者藉以代爲天下遂永賴其所爲矣諸如設金湯匪以自固以衛民也立堂階匪以自尊以齊民也詔祿爵匪以自富貴以教養民也居民以市廛遷其有無矣示民以旌表生其觀感矣庇民以社稷時其雨暘除其厲疫矣慮民之病涉或扛

或梁必石永於木焉籌民之禦侮或守或戰必筭
勝於廟焉哀民之鰥寡孤獨疲癯殘疾或布粟或
醫藥必仁先於政焉作建置志

城池

增

郡邑工程之浩莫如鑿築建置之要亦莫如金湯
恃陋不備將有狡焉思啓者渠邱之戒豈可忽於
太平之世哉官師之所臨蒞士庶之所環居國家
錢穀之所貯商賈貨賄之所集當必有以壯屏藩

擇內外者矣故時無險易均以城池爲建置之首務焉

羅汝無城景泰元年知縣劉恒始創築周廻五里高二丈濶八尺南面臨小黃河三面爲濠濶三丈深一丈餘城門四額曰北通淮蔡南控江黃東連光息西望申陽天啓元年大水城盡圯踰年知縣許讓所至重修典史徐文芊董其役公私無擾視舊加飭崇禎七年流寇亂中原知縣周運泰慮城

惡不足恃值邑人劉廣生以秦撫移疾歸里倡率紳士各捐重貲增高數尺環城敵臺三十餘所設備甚固又浚池深廣倍昔歲久漸頽

國朝知縣薛耳重脩量工計日按賦出力役復自捐薪米不勞而成但土性瀉鹵順治戊戌秋間霽雨牛載新舊俱圯知縣李應明設法捐金立窖買灰招徠匠作躬視其陶甃請期秋成輸貲勸力踴躍從事時值深冬煦煦朝曦了無米雪以是不苦於

役而山居僻至二百里外者亦裹糧負鍤不召自來時以千計未浹月而落成觀者稱大壯焉

舊

城池增

羅邑城池自前令李賡明脩建後天下蕩平無事漸至頽敝迨康熙乙酉歲大水浸潰殆半遷延至雍正戊申存者十之二三而已制府田公

奏請興脩以試用令薛景珏總其事邑令王夔龍佐之存者盡毀掃地重新外甃以甃內培以土始壬

子九月迄甲寅八月告竣共費國租七千餘兩計
高一丈八尺趾厚一丈二尺頂厚六尺周八百七
十餘丈堞一千二百有奇譙樓四座環郊遐矚鬱
鬱葱葱非復昔時氣象矣改門額東曰迎旭西曰
望申南曰朝陽北曰拱宸舊制南門直出大通橋
形家以砂水相犯不利文風因閉之而闢新門於
坤維所謂朝陽者是也旋以舊門內街市乍廢居
人頗請重開額曰大通與朝陽並列爲兩南門焉

乾隆十三年

奉檄勸捐修學旣竣復據紳士耆

老以大通門不利文風畧請西移十數武轉向龍
山避冲射而就朝拱尤於內外街市有興無廢遂
爲轉請 各憲卽就修學餘資照議舉行改其額
曰挹秀另有記載藝文茲述其梗槩如此抑城自
新建後外甃非不堅完而內之培土過薄址纔倍
頂一遇霪霖土易崩潰土潰而甃磚隨之矣荃於
乾隆九年蒞任時城之先圯者近百丈十年捐費

修復柰此丁甫竣彼地又傾自後歲歲補苴每歲約費自數十金至百餘金不等今雖現俱完固殊非經久之道顧公帑旣不可更請官捐亦恐其難繼似應借資民力庶爲衆擎易舉而時會猝無可乘姑存之以俟後圖可耳

公署

舊

縣治元故址在城西南隅明洪武四年知縣聞珪建萬元年知縣應存初以東街白勝寺易而爲

縣治舊縣治爲白勝一明季燼於兵火

國初知縣齊安邦寄居白勝寺後來僦居民房及順治五年知縣薛耳復營東街之舊治臨民蒞政儲賦明刑者粗備宅舍尚多茅茨以俟後之葺補云

治事堂五間

議政堂三間

堂初成知縣薛耳禱雨得甘澍薛公喜曰有雨則有民而政可成矣遂以

各

儀門三間

東西角門各一間

庫樓一間

在治事堂左

架閣庫一間

在治事堂右

六房科十二間

在堂東西各六間

樵樓一坐

卽縣治大門今無樓

寅賓館三間

在儀門外東今廢知縣左修品將舊址改建監谷倉廩

土地祠三間

在寅賓館後知縣左修品改爲一間

知縣宅

在議政堂後

縣丞宅

成化間廢

主簿宅

在縣東今廢

教諭署

在文廟東

訓導署

在文廟西

典史宅

舊在縣治西今改在寅賓館東

申明亭

今廢

旌善亭

今廢

陰陽學 無定所

醫學 無定所

僧會司

在白勝寺今在城隍廟

道會司 無定所

獄神廟一間

獄房一所

輕獄房一所

女獄房一所 俱在儀門外西

內倉房三間

知縣王家遴建

察院

在縣治西南白勝寺東山上久廢知縣高樞葺布政分司以代之今廢

布政分司

在舊察院東後改為察院今廢按察分司縣治西南楊公街今廢

府館分司

縣治西南今廢演武廠在南門外西今在西北郊外

九里關巡檢司 在縣西南一百二十里今廢

大勝關巡檢司 在縣正南一百四十里今廢

急遞總鋪 在縣治西南

棠棣鋪 縣東十里

竹竿鋪 縣東三十里

東臯鋪 縣東北三十里

欄杆鋪 縣西三十里

新興鋪 縣西十五里

武臯鋪 縣西四十里

金關鋪 縣西五十五里

天塘鋪 縣北十里

淮河鋪 縣北三十里

公署 增

公署之模範隨氣運爲轉移者也興廢之數舉其
要華樸之際持其中則得矣舊志所書除廢碑
尚多此日不急之務蓋時勢遞遷今昔殊軌也昔
有今無亦無不可矣但運際文明凡官師所居及
政治要地自當綽備堅固以圖永遠縣治自

國初知縣薛耳草葺粗備其後漸有增修如知縣王
夔龍則於治事堂大加整飭知縣左修品則於科
房規畫一新唯內宅久未修葺諸多傾壞荃於蒞

任後遂加完繕尚不至鞠爲茂草至典史舊宅久廢僦居民房尚待建興

官秩增

庶民錯生首出惟君綱紀攸措萬國資寧然非一手一足之爲烈也官於是立焉非數人材力之所及也秩於是備焉卽一邑之中條分縷晰提綱振領孰非本周官之意而權宜以時勢之不齊者歟其間有興廢也亦因時勢爲之也但朝有不得已

之官官卽有不得已之事修乃職攷乃法雖在盛世亦自有非易易者矣

知縣一員

縣丞一員

明成化年間裁

主簿一員

今裁

典史一員

九里大勝關巡檢二員

後併爲一員今裁

儒學教諭一員

訓導二員

俱裁今復設一員

鄉約官一員

今裁

陰陽學訓術一員

醫學訓科一員

僧會司僧會一員

道會司道會一員

陰醫僧道明初俱赴銓部後不入銓惟令長擇其能者而授之

廩膳生員二十人

增廣生員二十人

附學生員不限以數

今每考入學十二名

教讀二人司社學今裁其義學隨